



ՄԱՅՐ ՏԱՃԱՐԻ ՎԵՐԱՆՈՐՈԳՈՒԹՅԱՆ ՇՈՒՐՋԸ

ԱՐՁԱՆԱԳՐՈՒԹՅՈՒՆ

Ամենայն Հայոց կաթողիկոս Գևորգ Զ-ի հրավերով, Հանձնաժողովը՝ բաղկացած ՀՍՄԻ Գիտությունների Ակադեմիայի իսկական անդամ, բանաստեղծ Ավետիք Իսահակյանից, ժողովրդական նկարիչներ՝ Մարտիրոս Սարյանից և Հակոբ Կոչոյանից, ճարտարապետության պրոֆեսոր Սամվել Սաֆարյանից, արվեստի վաստակավոր դործիչներ՝ ճարտարապետ Մարկ Գրիգորյանից ու քանդակագործ Արա Սարգսյանից և Պատմական Հուշարձանների Պահպանության Կոմիտեի նախագահի տեղակալ՝ ճարտարապետ Վարադդառ Հարությունյանից, տեղում ծանոթանալով Ս. Էջմիածնի Մայր Տաճարի դրությամբ՝ կազմեց սույն արձանագրությունը Տաճարի պահպանման, վերանորոգման և ռեստավրացիայի վերաբերյալ:

Հանձնաժողովը անհրաժեշտ է գտնում.

1. Վերոհիշյալ աշխատանքների կազմակերպման ու ղեկավարման համար ստեղծել մշտական գործող հանձնաժողով Վեհափառի նախագահությամբ:

2. Հանձնաժողովին իրավունք վերապահել կազմելու լրացուցիչ ենթահանձնաժողովներ, ինչպես և հրավիրել առանձին մասնագետներ, Տաճարի վերանորոգման և ռեստավրացիայի հետ կապված առանձին հարցերի ուսումնասիրման և մշակման համար, որոնց հղրակացությունները ենթակա են քննարկման և հաստատման մշտական Հանձնաժողովի կողմից:

3. Նախնական դիտողությունների հիման վրա Հանձնաժողովն անհրաժեշտ է համարում կատարել հետևյալ աշխատանքները Մայր Տաճարի վերանորոգման ուղղությամբ:

ա) Ձեռք առնել աեխնիկական լուրջ միջոցառումներ Տաճարի շրջա զմբեթակիր սյուների, ինչպես և հյուսիսային, հարավային և արևմտյան պատերի ամրացման համար,

որոնք վտանգում են Տաճարի կայունությունը:

բ) Սալահատակի Տաճարի հատակը և որոշ բարձրությամբ երեսապատել բարձրորակ հղկված քարերով ներքին պատերն ամբողջ պարագծով:

գ) Վերակառուցել հարավային և հյուսիսային խորանների շքամուտքերը, կառուցելով նոր շքամուտքեր մարմարից՝ հայկական ճարտարապետական ոճով:

դ) Վերակառուցել հարավային և հյուսիսային դասերում գտնվող սեղանները, կառուցելով նրանց փոխարեն նոր սեղաններ մարմարից:

ե) Տաճարի նախաբեմը մյուս մասից անջատող մետաղյա ցանկապատը փոխարինել նորով, պատրաստված բրոնզից՝ հայկական օրնամենտիկայի մոտիվներով:

զ) Բոլոր պատուհանների համար պատրաստել նոր շրջանակներ և ցանց ձուլածո բրոնզից:

է) Գմբեթի թմբուկի ներսում գտնվող շրջանաձև հարթակի համար պատրաստել նոր ճաղեր բրոնզից:

ը) Հնարավոր համարել կազմված նախագծերի համաձայն որոշ վերափոխումներ կատարել ներքին ճարտարապետական ձևերի նկատմամբ, նրանց ավելի լավ տեսքի բերելու համար:

թ) Հատուկ արված նախագծերով պատրաստել նոր բրոնզե ջահեր և մոմակալներ:

ժ) Պահպանել և ռեստավրացիայի ենթարկել Տաճարի զմբեթում, կամարների և թաղերի վրա հայ նկարիչ Հովնաթան Նաղաշի կողմից արված զարդանկարները:

ժա) Մնացած հարթությունների վրա անել նոր որմնանկարներ և այլ զարդեր, օգտվելով ամբողջովին հայկական մանրանկարչության մոտիվներից՝ Հոգևոր Խորհրդի կողմից մշակված թեմաներով:

ժբ) Տաճարի ծածկը խոնավությունից

պահպանելու համար, ողջ կտուրը ծածկել թիթեղով:

ժգ) Վերակառուցել Տաճարի շուրջն Լղած մայթերը, տուֆ քարերը փոխարինելով բազալտով:

ժդ) Վերանորոգել արտաքին պատերի ճարտարապետական պրոֆիլների վնասված մասերը և կատարել որոշ փոփոխություններ հետազայում արված պատուհանների և ալլ ձևերի նկատմամբ:

4. Մայր Տաճարի վերանորոգման և ռեստավրացիայի ուղղությամբ կատարվելիք աշխատանքների վերջնական թվարկումը կազմելուց հետո անհրաժեշտ համարել կազմակերպել մասնագետների մի կոմպլեքսային բրիգադ, որին հանձնարարել կազմելու շի-

նարարական-տեխնիկական և ճարտարապետական ձևավորման նախագծերը, ինչպես և աշխատանքների նախահաշիվը:

5. Տաճարի տեխնիկական դրուժյունը ստուգելու, կատարվելիք աշխատանքների թվարկումը կազմելու, ինչպես և նախագծման բոլոր տվյալները պատրաստելու ու նախահաշիվ կազմելու համար առաջադրել մասնագետների հետևյալ կազմը.

1. Հարուժյունյան Վ.—ճարտարապետ-հնագետ
2. Ռոստոմբեկյան Խ.—ճարտարապետ
3. Սարգսյան Ա.—Ինժեներ-կոնստրուկտոր
4. Մարտիրոսյան Ա.—Ինժեներ-շինարար
5. Ահարոնյան Ա.—Ինժեներ

ՀԱՆՁՆԱԺՈՂՈՎԻ ԱՆԴԱՄՆԵՐ

Ա. ԻՍԱՀԱՅԱՆ
Մ. ՍԱՐՅԱՆ
Հ. ԿՈՋՈՏԱՆ
Ս. ՍԱՅԱՐՅԱՆ

Մ. ԳՐԻԳՈՐՅԱՆ
Ա. ՍԱՐԳՍՅԱՆ
Վ. ՀԱՐՈՒԹՅՈՒՆՅԱՆ

Հոկտեմբեր 21 1945 թ.

Ք. ԷՋՄԻԱՄԻՆ

ԱՐՁԱՆԱԳՐՈՒԹՅՈՒՆ

Էջմիածնի Մայր Տաճարի վերանորոգման և ռեստավրացիայի նպատակով հրավիրված տեխնիկական ենթահանձնաժողովը՝ բաղկացած Հայաստանի Պատմական Հուշարձանների Պահպանության Կոմիտեի նախագահի տեղակալ՝ ճարտարապետ Վ. Հարուժյունյանից, ՀՍՍՌ Ժողովրդական Կոմիսարների Սովետին կից շինարարական տրեստի գլխավոր ինժեներ Ա. Մարտիրոսյանից, ճարտարապետներ Ռ. Իսրայելյանից ու Խ. Ռոստոմբեկյանից և ինժեներ-կոնստրուկտոր Ա. Սարգսյանից, գնելով Տաճարի դրուժյունը՝ կազմեց առաջն արձանագրությունը հետևյալի մասին.

1. Մայր Տաճարի գմբեթակիր սյուների, որոշ պատերի և ծածկերի քայքայման հիմնական պատճառը հանդիսանում է տանիքից ծծված ջուրը, որը թափանցում է կոնստրուկցիաների մեջ տանիքի սալապատված հարթության կարերի միջով և դրա հետևանքով առաջացած խոնավությունը: Ենթևում վերոհիշյալից ենթահանձնաժողովը անհրաժեշտ է համարում նախ և առաջ կատա-

րել աշխատանքներ ամբողջ շենքը խոնավությունից մեկուսացնելու ուղղությամբ:

2. Որպես տանիքը ծածկելու նյութ, ենթահանձնաժողովը նպատակահարմար է գտնում հանձնարարել մեկ միլիմետր հաստությամբ ունեցող պղնձի թիթեղ, որը տանիքի թեք մասերում միացվելու է ծալքերի միջոցով, իսկ թանգարանի կտրի համեմատաբար հարթ մասում՝ զոդման միջոցով: Տանիքի ծածկի համար պղնձյա թիթեղ օգտագործելու հիմնական դրդապատճառը հանդիսանում է նախ աչն, որ այդ թիթեղներին հնարավոր է, առանց ներկելու, քիմիական մշակման միջոցով Տաճարի պատերին ներդաշնակ գույն տալ, որպիսի ծածկը դրա հետ միասին կլինի բավականաչափ դիմացկուն և տևական: (Ամբողջ ծածկի համար անհրաժեշտ կլինի մինչև 15 տոննա պղնձի թիթեղ):

3. Տաճարի թիթեղապատումը ավարտելուց հետո անհրաժեշտ է անմիջապես բնական չորացման միջոցով վերացնել պատերի, ծածկի կոնստրուկցիաների և ալլ մասերում

եղած խոնավությունը, որից հետո միայն հնարավոր է անցնել ներքին ծեփերի վերանորոգման, որմնակարների ռեստավրացիային, ինչպես և հարդարման ու այլ տեսակի աշխատանքներին:

4. Տաճարի հյուսիսային, հարավային և մասամբ արևմտյան պատերին առաջացած որոշ ճեղքերը հետևանք են ոչ թե հիմքի նստվածքի, այլ նրանք տեղական բնույթ ունեն և ամենայն հավանականությամբ արդյունք են պատի զանգվածի մեջ ներթափանցած խոնավության: Ուստի և այդ ճեղքերը չեն կարող դիտվել որպես Տաճարի կառուցվածքի անմիջական վտանգ սպառնացող երևույթներ (նամանակապես, որ տարիների ընթացքում կատարված դիտողությունները ցույց են տվել, որ ճեղքերը չեն լայնանում):

Ենթահանձնաժողովը նպատակահարմար է գտնում հանձնարարել այդ ճեղքերի ամրացումը շաղախի ներարկման (ИН'ЕКЦИЯ) միջոցով, որպիսի միջոցառումը ի վիճակի է ապահովել պատի կայունությունն ու ամրությունը:

5. Տաճարի վնասված ու քայքայված արտաքին քիվերը անհրաժեշտ է վերանորոգել:

6. Առանձնապես լուրջ ինժեներական միջառումների կարոտ են Տաճարի շորս գմբեթակիր սյուները, որոնք ունեն վտանգավոր ճեղքեր և որոնցից փաստորեն կախված է ողջ Տաճարի կայունությունը: Ենթահանձնաժողովը նպատակահարմար է գտնում այդ սյուներն ամրացնել երկաթի ուղղաձիգ և հորիզոնական կապերի միջոցով՝ սկսած հիմքից մինչև կամարների կրունկները:

Այդ կապերը հանձնարարվում է կատարել հետևյալ կերպով. գմբեթակիր սյուների բոլոր շորս ճակատներին փորել ուղղաձիգ ակոսներ, որոնց մեջ տեղավորել երկաթե երկաթներ, ապա ամրացնել դրանք հակադիր

կողմերում դրված նույնանման երկաթների հետ երկաթե ձղանների միջոցով: Սյուների մեջ կատարվող տարանցիկ անցքերը պետք է բացել միմիայն պերֆորատորների միջոցով, սյուներն անցանկալի հարվածներից զերծ պահելու նպատակով: Այսպիսով Տաճարի շորս գմբեթակիր սյուները ամրացվում են երկաթե կմախքով, որը սակայն արվում է նրա գոյություն ունեցող շափերի սահմաններում միայն:

7. Նկատի ունենալով, որ գմբեթակիր սյուների մեջ առաջացած ճեղքերի հետևանքով, սյուների զանգվածում հնարավոր են դատարկ տարածությունների առաջացում, ուստի նպատակահարմար գտնել նրանցում կատարել շաղախի ներարկում (ИН'ЕКЦИЯ):

8. Տաճարի ներսի սալահատակումը կատարել ասֆալտի շերտի վրա՝ գետինը խոնավությունից զերծ պահելու, ինչպես և Տաճարի ներսում տաքությունը ապահովելու նպատակով:

9. Վերահիշյալ աշխատանքները կատարելուց առաջ երկաթ-բետոնով ուժեղացնել գմբեթակիր սյուների հիմքերը և անհրաժեշտության դեպքում ամրացնել պատերի հիմքերը երկաթ-բետոնե շապիկի միջոցով:

10. Տաճարի հարավային և հյուսիսային խորանների տանիքների ծածկը ամբողջովին վերանորոգել:

11. Տաճարի շուրջն եղած մայթերը, բազալտե քարերով սալահատակելուց առաջ նրանց տակը փռել ասֆալտե շերտ, հնարավորություն չտալու համար ջրերին ներթափանցելու Տաճարի հիմքերը:

12. Ցանկապատել Մայր Տաճարի բակը այն մասերում, որտեղ բացակայում են այդպիսիք: Ողջ բակը բարեկարգել, կանաչազարդել և պատրաստել նոր զուգարաններ: Այդ կապակցությամբ տանել ջրմուղու և կոյուղու դժեր:

ԵՆԹԱՀԱՆՁՆԱԺՈՂՈՎԻ ԱՆԿԱՄՆԵՐ

Ճարտարապետ Վ. ՀԱՐՈՒԹՅՈՒՆՅԱՆ
Ինժեներ Ա. ՄԱՐՏԻՐՈՍՅԱՆ
Ճարտարապետ Ռ. ԻՍՐԱԶԵՅԱՆ

Ճարտարապետ Խ. ՌՈՍՏՈՄԵԿՅԱՆ
Ինժեներ-կոնստրուկտոր Ա. ՍԱՐԳՍՅԱՆ

Նոյեմբեր 11 1945 թ

Ք. ԷՋՄԻԱՄԵՐ

ՄԻ ԷՋ ՄԱՅՐ ՏՄՃԱՐԻ ՎԵՐԱՆՈՐՈԳՈՒԹՅԱՆ ՀԱՄԱՐ ԿԱԶՄՎԱԾ ՆԱԽԱՀԱՇՎԻՑ

№ ըստ կարգի	Աշխատանքի անվանումը	Չափման միավորը	Աշխա- տանքի բաժնակը	Գինը	ԳՈՒԾԱՐԸ
1	Հատակի սալաքարերի հանում	մ ²	2085,0	8,69	7693,65
2	Հիմքերի տակը փորելը	մ ³	224,0	14,87	3330,88
8	Հիմքերի ժամացումը երկաթ-բետոնով	մ ³	121,4	414,64	51581,22
4	Հատակի և մայրիկի տակը առփալտապատելը	մ ²	2085,0	22,20	46287,00
5	Հատակի սալապատումը մարմար հղկված բազալտով	մ ²	2085,0	398,52	810064,50
6	Սյուների ժամացումը	պ. մ	81,0	539,19	16714,19
7	Պանելների երեսպատումը հղկված մարմարյա տախտակներով	մ ²	210,0	576,85	121138,50
8	Շքամուտքերի քանդումը	մ ³	37,0	17,44	645,28
9	Նոր շքամուտքերի կառուցումը հատուկ նախագծով	մ ²	36,0	1500,00	54000,00
10	Հատակի երեսպատումը մարմարյա տախտակներով	մ ²	140,0	539,49	64733,90
11	Առանձանների երեսպատումը մարմարյա տախ- տակներով	պ. մ	17,0	576,85	9806,45
12	Արտաքին պրոֆիլների երեսպատումը	պ. մ	230,0	232,43	53465,80
13	Երկաթ-բետոնե ծածկի հանումը	մ ²	100,0	3,21	321,00
14	Երկաթ-բետոնե անձող ծածկի կառուցումը	մ ²	100,0	61,56	6186,00
15	Տանիքի կառուցումը պղնձյա թիթիվներով - 1 մմ	մ ²	1620,0	170,00	275400,00
16	Բրոնզյա զանգապատի կառուցումը	մ ²	126,5	400,00	50600,00
17	Պատահանների ապակեշրջանակների կառուցումը	մ ²	86,0	197,18	17047,48
18	Ջանիքի պատրաստում	հաս	12,0	10000,00	120000,00
19	Մոմակալների պատրաստում	հաս	14,0	3000,00	42000,00
20	Մեփի վերանորոգում	մ ²	5330,0	7,19	38322,70
21	Ն. ք ծեփի վրա նոր ուղեանկարների նկարումը	մ ²	2300,0	360,00	840000,00
22	Առաստաղի և կամարների նկարների վերականգ- նումը	մ ²	450,0	200,00	90000,00
23	Պատահանների յուղաներկում	մ ²	56,0	21,83	1877,38
24	Երկաթվանդակյա ցանկապատի կառուցումը	պ. մ	124,0	335,72	41629,28
25	Բակի կանաչապատումը	մ ²	21000,0	12,00	252000,00
26	Ն. ք զուգարանի կառուցումը	մ ³	120,0	96,00	11520,00
27	Ջրմուղի և կոուղի	պ. մ	700,0	40,00	28000,00
28	Գլանող հորերի փորում	հաս	2,0	12000,00	24000,00
Վերադիր 23%					307387,91
					709035,05
Տեխ. փաստաթղթերի ձեռնարկում 0,3%					378839,196
Տեխ. վերահսկողություն 1%					7572,78
Զնաթառանդած այլ ծախսեր 2%					37883,95
Ընդամենը					75727,90
					3907559,59